



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

22 հուլիս 2022թ.

ք. Երևան, Ա. Դավթի 87Ա

ՈՐՈՇՈՒՄ N 2063-Շ

ՎԱՐՉԱԿԱՆ ՎԱՐՈՒՅԹԸ ԿԱՐՃԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով ֆիզիկական անձ Վարուժան Շավարշի Մինասյանի վերաբերյալ վարչական վարույթի նյութերը,

ՊԱՐԶԵՑԻ

Համաձայն հարկային վարչարարության ընթացքում հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտոնատար անձի կողմից կազմվող թիվ 12689/2021/ԿՈՒՎԿ/Ա արձանագրության (կցվում է) ֆիզիկական անձ Վարուժան Շավարշի Մինասյանի (Հասցե՝ Իսպանիա, ՀՎՀՀ՝ 49739409, անձնագիր՝ X61102875) չկատարված հարկային պարտավորությունը 05.05.2021թ. դրությամբ կազմել է 371.498 դրամ, որից հարկ՝ 322.481 դրամ, տույժ՝ 49.017 դրամ:

Վերոնշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, 24.06.2022 թ-ին հարուցվել է վարչական վարույթ Վարուժան Շավարշի Մինասյանի չկատարված հարկային պարտավորությունները գանձելու վերաբերյալ՝ վարչական ակտ ընդունելու նպատակով:

ՀՀ կադաստրի կոմիտեի կողմից ՀՀ Կառավարության 05.10.2017 թ-ի թիվ 1337-Ն որոշմամբ ստացված անշարժ գույքի և դրա նկատմամբ գրանցված իրավունքների վերաբերյալ տեղեկությունների համաձայն՝ Վարուժան Շավարշի Մինասյանի կողմից 19.06.2019 թ-ին Գևորգ Վարուժանի Մինասյանի հետ օտարվել է Արմավիրի մարզ, Վաղարշապատ, Բաղրամյան փ., 17/1, 17/2 խանութ հասցեում գտնվող անշարժ գույքը, որի պայմանագրային արժեքը կազմել է 6.449.625 ՀՀ դրամ:

Համաձայն ՀՀ քաղաքացիական օրենսգրքի 362-րդ հոդվածի 1-ին մասի՝ պարտապանների համապարտ պարտականության դեպքում պարտատերն իրավունք ունի, ինչպես բոլոր պարտապաններից համատեղ, այնպես էլ յուրաքանչյուրից պահանջել կատարելու պարտավորությունն ինչպես լրիվ, այնպես էլ պարտքի մի մասով:

Ելնելով վերոգրյալից և հաշվի առնելով, որ վերոնշյալ ֆիզիկական անձիք հանդիսանում են համապարտ պարտապաններ, սակայն թիվ 12689/2021/ԿՈՒՎԿ/Ա արձանագրությամբ անշարժ գույքի

պայմանագրային արժեքն ամբողջությամբ չի ընդունվել, ինչի պարագայում հնարավոր կլիներ հարկային պարտավորության կատարումն առաջադրել ֆիզիկական անձանցից յուրաքանչյուրին ամբողջ պարտավորության մասով, ուստի, ղեկավարվելով ՀՀ քաղաքացիական օրենսգրքի 362-րդ հոդվածի պահանջներով, անհրաժեշտ է կատարել հարկային պարտավորությունների վերահաշվարկ՝ ՀՀ հարկային օրենսգրքի 398-րդ հոդվածի 5-րդ մասով սահմանված վարույթը համապարտության սկզբունքով իրականացնելու նպատակով:

Հաշվի առնելով վերոգրյալը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 2-րդ մասի «բ» կետով՝

ՈՐՈՇԵՑԻ

1. Ֆիզիկական անձ Վարուժան Շավարշի Մինասյանի նկատմամբ հարուցված վարչական վարույթը կարճել:
2. Որոշման օրինակը եռօրյա ժամկետում ուղարկել ֆիզիկական անձին:
3. Սույն որոշումն ուժի մեջ է մտնում «Վարչարարության հիմունքների և վարչական վարույթի մասին» ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:
4. Սույն որոշումը կարող է բողոքարկվել վարչական մարմին, կամ վերադաս վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70-րդ և 71-րդ հոդվածներով սահմանված կարգով՝ ուժի մեջ մտնելու օրվանից երկամսյա ժամկետում կամ ՀՀ վարչական դատարան:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**

Ստացա որոշման օրինակը



Ա.ՄՆԱՑԱԿԱՆՅԱՆ

Ստորագրություն հարկ վճարողի /կամ ֆիզ. Անձի/ պաշտ անձի անուն ազգանուն

ամսաթիվ

Կատարող՝

Իրավաբանական վարչության հարկադիր գանձման և
պարտավորությունների կատարման ապահովման բաժին

Սեդա Ասատրյան

հեռ.՝ 010-309-191 (9155)